

١٠- مَنْ أَحَدَتْ فِي أُمْرَنَا - مختصر جامع العلوم والحكم - الحديث

الخامس - شريف علي

شريف علي

بسم الله الرحمن الرحيم الحمد لله رب العالمين والصلوة والسلام على اشرف الانبياء والمرسلين نبينا محمد وعليه وصحبه ومن اتبع هداه الى يوم الدين سبحانك لا علم لنا الا ما علمتنا انك انت العليم الحكيم - [00:00:00](#)

رب اشرح لي صدري ويسر لي امري واحلل عقدة من لسانني يفهوموا قولي قال الحديث الخامس عن عائشة رضي الله عنها قالت قال رسول الله صلى الله عليه وسلم من احدث في امرنا هذا - [00:00:18](#)

ما ليس منه فهو رد رواه البخاري ومسلم وفي رواية لمسلم من عمل عملا ليس عليه امرنا فهو رد يعني ايه فهو رد يعني مردود يعني لا يقبل - [00:00:36](#)

قال ابن رجب رحمه الله هذا الحديث اصل عظيم من اصول الاسلام هذا الحديث اصل عظيم من اصول الاسلام يعني احنا مش بنتكلم عن حديث عادي ده اصل من اصول الدين - [00:00:56](#)

هذا الحديث اصل عظيم من اصول الاسلام وهو كالميزان للاعمال في ظاهرها مش احنا قلنا ان في شرح الحديث الاول ان حديث انما الاعمال بالنيات هو من اصول الدين وهو ميزان الاعمال الباطنة - [00:01:12](#)

لان بيترتب عليه ثواب العمل. اما العمل يقبل او لا يقبل لو هو فيه مخلص او مرأوي وعلى حسب النية انما الاعمال بالنيات وانما لكل امرئ ما نوى ومحل والنية محلها القلب - [00:01:32](#)

فالحاديis ده كده نفس الكلام لكن ده الاعمال الظاهرة بقى وهو كالميزان للاعمال في ظاهرها كما ان حديث الاعمال بالنيات ميزان للاعمال في باطنها مفهوم فكما ان كل عمل لا يراد به وجه الله - [00:01:48](#)

فليس لعامله فيه ثواب مش لو الانسان عمل عمل وهو لا يريد بهذا العمل وجه الله سبحانه وتعالى العمل ده لا يقبل ولا يقبل يعني لو انسان بيعمل عمل وهو مش مخلص - [00:02:09](#)

لا يقبل فكذلك لو الانسان عمل عمل ده آآ مخالف لسنة النبي عليه الصلاة والسلام على هدي النبي عليه الصلاة والسلام بابتداع فكذلك العمل ده ايه؟ لا يقبل قال ابن رجب فكما ان كل عمل لا يراد به وجه الله فليس لعامله فيه ثواب - [00:02:27](#)

فكذلك كل عمل لا يكون عليه امر الله ورسوله صلى الله عليه وسلم فهو مردود على عامله وكل من احدث في الدين ما لم يأذن به الله ورسوله بالك الاحداث هنا بيتكلم عن ايه؟ كل من احدث في الدين - [00:02:53](#)

ما لم يأذن به الله ورسوله فليس من الدين في شيء قال وكان صلى الله عليه وسلم يقول في خطبته ان اصدق الحديث كتاب الله وخير الهدي هدي محمد صلى الله عليه وسلم - [00:03:15](#)

وشر الامور محدثاتها والحاديis ده هييجي معنا يعني هييجي معنا في الكتاب وعشان كده ابن رجب رحمه الله قال وسنؤخر الكلام على المحدثات الى ذكر حديث العراض ابن سارية رضي الله عنه - [00:03:34](#)

ونتكلم هنا على الاعمال التي ليس عليها امر الشارع وردتها وكتب تحت في الهاشم عند قوله صلى الله عليه وسلم واياكم ومحدثات الامور وهو الحديث الثامن والعشرون من هذا الكتاب - [00:03:51](#)

قال فهذا الحديث يدل بمنطقه على ان كل عمل ليس عليه امر الشارع فهو مردود يعني ايه يعني ايه يدل بمنطقه وبعددين قال

بعدها ويدل بمفهومه. ايه المنطوق والمفهوم ده - 00:04:11

منطوق الحديث هنا ايه اللي هو لفظ كلام النبي عليه الصلاة والسلام من احدث في امرنا هذا ما ليس منه فهو رد ده المنطوق يعني اللي هي عمل عمل خلاف امر النبي عليه الصلاة والسلام احدث من عمل عملا ليس عليه امرنا - 00:04:35

ليبتعد شيء في الدين من عمل عملا ليس عليه امرنا فهو رد يعني اي انسان هيبتعد شيء في الدين يأتي ببدعة فالبدعة دي ايه؟ مردودة طيب ده ايه؟ ده المنطوق - 00:04:58

طب يعني ايه المفهوم بقى قال ويدل بمفهومه على ان كل عمل عليه امره فهو غير مردود مش النبي عليه الصلاة والسلام يقول ايه؟ من عمل عملا ليس عليه امرنا فهو رد. طيب من عمل عملا عليه امرنا - 00:05:14

هم بيقى مردود ولا مقبول بيقى مقبول. هو ده معنى المفهوم اهو يعني المفهوم اللي انت فهمته من الكلام مش النبي عليه الصلاة والسلام قال من احدث في امرنا هذا ما ليس منه فهو رد. من عمل عملا ليس عليه امرنا فهو رد. طيب اللي هي عمل عمل ده - 00:05:44

هو متابع لسنة النبي عليه الصلاة والسلام فهو ايه فهو مقبول بيقى ده المفهوم عشان كده هو تاني اهو كلام ابن رجب قال فهذا الحديث يدل بمنطوقه على ان كل عمل ليس عليه امر الشارع - 00:06:04

قال في الهاشم تحت الشيخ طريفي قال يعني في امور الدين والعبادة لا الاحداث في امور الدنيا في الملبس والمركب والمسكن وغيرها فهو مردود فهذا الحديث يدل بمنطوقه على ان كل عمل ليس عليه امر الشارع - 00:06:23

فهو مردود. يعني ليس عليه امر الله فهو مردود ويدل بمفهومه على ان كل عمل عليه امره يعني كل عمل كل عمل موافق لكتاب الله ولسنة النبي صلى الله عليه وسلم فهو غير مردود - 00:06:44

والمراد بامرها هنا دينه وشرعه فالمعنى اذا ان كان عمله خارجا عن الشرع ليس متقيدا بالشرع فهو ايه فهو مردود وقوله صلى الله عليه وسلم ليس عليه امرنا - 00:07:06

اشارة الى ان اعمال العاملين كلهم ينبغي ان تكون تحت احكام الشريعة وتكون احكام الشريعة حاكمة عليها بامرها ونهيها فمن كان عمله جاريا تحت احكام الشرع موافقا لها فهو ايه - 00:07:27

فهو مقبول ومن كان خارجا عن ذلك فهو ايه؟ فهو مردود طيب احنا باب البدعة ضوابط البدعة وتبييع الناس ده باب يعني ده باب خاص باهل العلم يعني احنا دلوقتي عايزين نستفيد - 00:07:48

بمستوانا نستفيد من الحديث ده فازاي ان احنا نستفيد من الحديث ده اول حاجة ان احنا نفهم ان في اه حاجة في الشرع عندنا اسمها البدعة. البدعة دي ايه بدعة من الانسان يبتعد شيء في الدين يخترع شيء. هو يستحسن حاجة - 00:08:13

والحاجة دي في العبادة يعني مسلا مش ان احنا مسلا آآ شايفين ان احنا محتاجين ان احنا نعمل سماعات في المسجد ونجيب آآ نجيب ميكروفون والكلام ده فواحد يقول لأ دي بدعة - 00:08:31

السماعات والميكروفون ده ما كانواش موجودين ايام النبي عليه الصلاة والسلام يقولوا لا هنا ده امر مش من امور الدين دي وسائل فما فيش فيها مشكلة يقول لك لأ النبي عليه الصلاة والسلام ما ركبش آآ عربية - 00:08:45

فركوب العربية بدعة لا هو النبي عليه الصلاة والسلام قال من عمل عملا ليس عليه امرنا من احدث في امرنا هذا في الدين ماشي فاحنا هنا خلينا بس نركز فيها الكلام عن ايه؟ امر - 00:09:01

يستحسن امره او يبتعد امر في امور الدين. زي ان هو مسلا ايه النبي عليه الصلاة والسلام كان بيصلني مسلا آآ اربع ركعات هي صلاة الظهر مسلا واحد يقول لك طب يعني ايه المشكلة - 00:09:20

لما انا ازود مسلا ايه؟ ازود لي ركعة كمان بيقوا خمس ركعات. هو يعني طب ما انا ده انا بصلني هو بيفكر كده مسلا او ان هو يعتقد ان مثلا - 00:09:36

عبادة معينة هو ايه قاعد مع نفسه كده هادي فايه فقال طب ما احنا ايه مسلا اللي هيقرأ مسلا مش عارف سورة ايه آآ ده هيكون

سبب ان هو هيجي له حاجة حلوة جدا. هيجي له مولود مسلا - 00:09:49

وقادع مع نفسه كده فقال والله اللي هيقرأ آآ سورة مسلا آآ الصافات اه هو بيخترع اهو بيستحسن شيء اللي هيقرأ سورة الصافات
مسلا ايه ربنا هيرزقه بولد واللي هيقرأ مش عارف سورة ايه هيحصل له كزا - 00:10:07

طيب نسأله هو ده الكلام ده النبي عليه الصلوة والسلام آآ نص عليه النبي قال الكلام ده جدعنـة من عندي كده ففكرة احنا دلوقتي يعني
ايه بس عشان الناس اللي في التعليقات - 00:10:25

مش الغرض مش الغرض من الكلام ان انا او اللي بيسمع الكلام يبقى هو اللي بيحدد دي بدعة ولا مش بدعة؟ يعني ما تقولش زي
الناس اللي بيعملوا كزا او زي يعني 00:10:42

قال لي موضوع ان دي بدعة ولا مش بدعة اه ده لاهل العلم لان موضوع البدع كبير يعني موضوع البدعة يحتاج ان الانسان يكون
راسخ في العلم وفاهم الاصول وفاهم في الفقه وعنه ملکات عشان يقدر يحكم على الفعل ده فرق بين الحكم - 00:10:58
ما على الفعل ان دي بدعة وبين ان انا اقول فلان ده مبتدع وضال ومضل فانا بحزر الشباب ان هو ما يدخلش في الباب ده باب البدعة
باب كبير ولو عايزين ترجعوا حاجة في الباب يعني في سلسلة للشيخ - 00:11:15

آآ محمد صالح المنجد ربنا يفرج اه يفرج عنه اسمها ضوابط التكفير والبدعة اللي عايـز يعني ايه يسمع حاجة في الباب لكن اللي انا
عايز اقوله ايه ان اصل البدعة ان الانسان بيستحسن حاجة - 00:11:33

بيستحسن حاجة والشرع ما جاش بها فانا تاني بركـز على المعنى ده يا شباب مش معنى الكلام احنا دلوقتي الغرض ان يعني احنا
دلوقتي في مرحلة معينة في التعلم فخلينا ان احنا نلتزم بالمرحلة دي - 00:11:53

انا دلوقتي الواجب علي ايه وانا بسمع الحديث ده؟ ايه الاثر الایماني الاثر الایماني المترتب على سماعي لكلام النبي صلى الله عليه
وسلم. من احدث في امرنا هذا ما ليس منه فهو رد. من عمل عملا ليس عليه امرنا - 00:12:14

فهو رد حاجتين المنطوق ان انا لا اقع في البدع يعني ما اجيـش مع نفسي كده استحسن حاجة وهي مش ثابتـة عن النبي عليه الصلـة
والسلام واعملها اخـترع حاجة في الدين اولـف في الدين - 00:12:28

الحاجة الثانية المفهوم ان انا التزم بكلام النبي عليه الصلـة والسلام وباتـبع النبي صلى الله عليه وسلم عـشـان العمل بتـاعـي يـقـبـلـ فـدـه
ده الاسـرـ يعني خـلـينـا واحـنـا بنـقـرـا الـاحـادـيـسـ نـسـتـفـيدـ منـهـ 00:12:44

الفائدة التـربـويةـ دي اـزاـيـ اـتعـاملـ معـ الحـدـيـثـ اـناـ الحـدـيـثـ دـهـ بـيـخـاطـبـنـيـ اـزاـيـ؟ـ هلـ هلـ اـناـ دـلـوقـتـيـ فيـ مـسـتـوـاـيـ مـخـاطـبـ اـنـ اـناـ اـهـ اـنـ اـناـ
هـبـتـديـ بـقـىـ اـيـهـ اـبـصـ لـلـنـاسـ اللـيـ حـوـالـيـاـ اـهـ فـلـانـ دـهـ مـبـتـدـعـ وـفـلـانـ 00:13:03

بـنـدـ عـنـدـهـ مـشـكـلـةـ فيـ كـزاـ وـفـلـانـ دـهـ ضـالـ وـفـلـانـ دـهـ صـاحـبـ بـدـعـةـ وـفـلـانـ دـهـ كـزاـ وـفـلـانـ دـهـ كـافـرـ لـأـ دـهـ مشـ دـورـكـ دـهـ
دورـ العـلـمـ 00:13:17

الـربـانـيـنـ اـهـ الـعـلـمـ اللـيـ عـنـدـهـ الـمـلـكـاتـ وـعـنـدـهـ الـالـلـهـ وـعـنـدـهـ الـعـلـمـ الـكـافـيـ اللـيـ يـسـمـحـ لـهـ اـنـ هوـ يـقـولـ وـالـلـهـ اـنـ اـجـتـهـادـيـ اـنـ الـمـسـأـلـةـ دـيـ
بـدـعـةـ اوـ انـ الشـخـصـ دـهـ مـحـتـاجـ اـنـ اـحـنـاـ اـيـهـ نـفـهـمـهـ اـنـ اللـيـ هوـ بـيـعـمـلـ دـهـ غـلـطـ 00:13:32

فـاحـنـاـ مـشـ بـنـتـعـلـمـ عـلـشـانـ نـحـكـمـ عـلـىـ النـاسـ اوـ عـلـشـانـ نـبـدـعـ دـهـ وـنـقـولـ دـهـ فـلـانـ وـدـهـ ضـالـ وـدـهـ كـزاـ ماـشـيـ؟ـ وـلـاـ اـحـنـاـ نـقـدـرـ اـنـ اـحـنـاـ
نـحـكـمـ عـلـىـ الـحـاجـةـ اـنـ هـيـ بـدـعـةـ 00:13:49

احـنـاـ بـنـعـمـ اـيـهـ؟ـ بـنـسـأـلـ وـالـلـهـ نـسـأـلـ اـهـ الـعـلـمـ دـهـ مـوـافـقـ لـلـسـنـةـ وـلـاـ دـهـ مـخـالـفـ لـهـدـيـ النـبـيـ عـلـيـهـ الـصـلـوةـ وـالـسـلـامـ دـيـ سـنـةـ وـلـاـ
بـدـعـةـ ماـشـيـ وـاضـحـ الـاـمـرـ دـهـ يـاـ شـبـابـ 00:14:04

فـنـصـيـحةـ لـلـأـنـسـانـ لـاـ يـتـجـرـأـ فـيـ الـبـابـ دـهـ لـاـ يـتـجـرـأـ فـيـ الـبـابـ دـهـ اـنـ هوـ يـحـكـمـ عـلـىـ الـاـشـيـاءـ اـنـ دـيـ بـدـعـةـ وـانـ فـلـانـ مـبـتـدـعـ نـصـيـحةـ يـعـنـيـ اـيـهـ
مـنـ اـخـبـكـ طـيـبـ قـالـ وـالـاعـمـالـ قـسـمـانـ عـبـادـاتـ وـمـعـامـلـاتـ 00:14:25

فـاماـ الـعـبـادـاتـ فـماـ كـانـ مـنـهـ خـارـجاـ عـنـ حـكـمـ اللـهـ وـرـسـوـلـهـ بـالـكـلـيـةـ فـهـوـ مـرـدـدـ عـلـىـ عـاـمـلـهـ وـعـاـمـلـهـ يـدـخـلـ تـحـتـ قـوـلـهـ تـعـالـىـ اـمـ لـهـمـ شـرـكـاءـ
شـرـعـواـ لـهـمـ مـاـ لـمـ يـأـذـنـ بـهـ اللـهـ 00:14:45

يعني واحد يخترع عبادة مسلا قال لك احنا ايه انا هألف صلاة مثلاً؟ انا انا هخترع ان انا اول لما ادخل البيت اصلي ركعتين هو فيه احنا عندنا تحية المسجد دي سنة. انا هاعمل حاجة اسمها تحية المنزل - [00:15:02](#)

وانا بعمل حاجة غلط انا بصلی او واحد ايه قال لك لا اول لما اروح الشغل هقوم ايه ساجد سجدة طب هو ده ده يعني ده ورد هل ده من السنة - [00:15:19](#)

فان هو ايه قرر ان هو يخترع شيء في الدين ويعتقد ان الشيء ده ايه يعني ده آآ شيء حسن. وان هو يثاب عليه او ان هو يذكر بطريقة معينة. زي ما هيقول دلوقتي ايه؟ الامام ابن رجب - [00:15:33](#)

فيبيقول ايه؟ ان الاعمال قسمان عبادات ومعاملات فاما العبادات فما كان منها خارجا عن حكم الله ورسوله بالكلية فهو مردود على عامله وعامله يدخل تحت قوله ام لهم شركاء شرعوا لهم من الدين ما لم يأذن به الله - [00:15:52](#)

فمن تقرب الى الله بعمل لم يجعله الله ورسوله قربة يعني انت بتتقرب تعتقد ان العمل ده من القربات من الطاعات وربنا سبحانه وتعالى لم يجعل هذا العمل قربة فمن تقرب الى الله بعمل لم يجعله - [00:16:13](#)

الله سبحانه وتعالى ورسوله صلى الله عليه وسلم قربة فعله باطل مردود عليه وهو شبيه بحال الذين كانت صلاتهم عند البيت بكاء وتصدية قال وهذا كمن تقرب الى الله بسماع الملاهي - [00:16:36](#)

او الرقص او بكشف الرأس في غير الاحرام واحد مسلا يعتقد ان انا لما آآ نقدر ايه آآ نفترق ونسمع اغاني ونرقص ونهز دماغنا ان ده ايه هو بيعتقد ان ده قربة - [00:16:53](#)

للله سبحانه وتعالى طيب هل ربنا سبحانه وتعالى قال ان العمل ده من القربات يعني انت العبادة العبادة لازم تقف فيها عند الحد النبي عليه الصلاة والسلام قال اعمل ده وما تعملش ده - [00:17:13](#)

واهل العلم من بعد النبي صلى الله عليه وسلم بينوا الواجب والمتحب والمباح والمكره والحرام فتقوم انت جاي بقى بعد بعد ده تقوم انت تخترع شيء لا مش مقبول العبادة دي ترد - [00:17:32](#)

وللاسف للأسف اه اه توبة صاحب البدعة تكون اصعب ليه يا شباب اصعب من مين؟ اصعب من صاحب الكبيرة ولذلك الشيطان يكون دايما حريص ان هو يوقع الانسان في البدع وفي الضلال - [00:17:52](#)

ليه ايه رأيكم لانه اضل غيره مم غير ده اه ايوة احسنتم لان هو بيعدل حاجة حلوة هو فاهم ان هو فاكر ان ايه ان انا كده انا كوييس انا بعمل حاجة كويسة - [00:18:10](#)

يعني كل اللي انتم بتقولوه ده صح لكن هو في الغالب هو بيعدل حاجة البدعة اللي انا بعملها دي دي هو مش واحد مش شايف اصلا ان هي بدعة - [00:18:46](#)

هو شايف ان هي حاجة جميلة وحاجة بتقربني وحاسس ان انا بلاقي قلبي وحاسس ان انا بشعر بنوع من من اللذة فده هي دي المشكلة انما صاحب صاحب الكبيرة هو هو عارف ان هو بيعدل حاجة حرام - [00:18:56](#)

يعني لو حد جه نصحه ووعظه ومش عارف ايه هو عارف ان هو بيعدل حاجة حرام فهيبقى جواه الشعور بالاليه بالندم ده. بالقصير ماشي سمع الملاهي والرقص ده يعني المقصود هنا الشيخ هنا الامام ابن رجب بيتكلم عن اللي هي الايه الحضارات يعني - [00:19:15](#)

عضلات اللي هو بيقدعوا ايه يغنو ويطلبوا ويرقصوا ومش عارف ايه ماشي قال وليس ما كان قربة في عبادة يكون قربة في غيرها مطلقا يعني ايه قال فقد رأى النبي صلى الله عليه وسلم رجلا قائما في الشمس - [00:19:40](#)

طيب سؤال يعني ممكن واحد الاخت اللي بتسأل يعني ايه كشف الرأس في غير الاحرام يعني واحد يعتقد انكشف الرأس كشف الرأس ده مثلا من اسباب اجابة الدعاء مثلا او كشف الرأس ده مسلا قربة الى الله سبحانه وتعالى. مثلا يعني - [00:20:03](#)

طيب هنا بيقول ايه؟ قال ابن رجب وليس ما كان قربة في عبادة يكون قربة في غيرها مطلقا. يعني القيام القيام في الصلاة ده قربى ولا مش قربة هم قربة طبعا ركن - [00:20:26](#)

طيب قال فقد رأى النبي صلى الله عليه وسلم رجلا قائما في الشمس قائما في الشمس هو نفس العمل اهو القيام بس هو واقف قرر ان هو يقف في الشمس - [00:20:48](#)

طب واقف في الشمس ليه كده انا بتقرب الى الله انا بتقرب الى الله طيب هو ربنا شرع ان الوقوف في الشمس ده من الاعمال المفروضة على الانسان او المستحبة للانسان - [00:21:02](#)

لأ طيب فهنا قال فسأل عنه يعني النبي عليه الصلاة والسلام سأل هو الرجال ده واقف في الشمس ليه كده فقيل انه نذر ان يقوم ولا يقدر ولا يستظل ولا يصوم. هو ايه؟ نظر نظر - [00:21:19](#)

ان هو يقوم يقف في الشمس ولا يستظل ويصوم فامر النبي صلى الله عليه وسلم ان يقدر ويصطدلي ويتم صومه يعني ايه كم؟ الصيام ماشي لأن انت نذر طاعة فالصيام طاعة كمل الصيام - [00:21:38](#)

انما ان انت تقول انا هفضل واقف ومش اه مش هستظل ده مش دين اصلا قال فلم يجعل قيامه وبروزه للشمس قربا يوفى بنزرهما مع ان القيام عبادة في موضع اخر - [00:22:00](#)

الصلوة والاذان والدعاء بعرفة والبروز للشمس قربة للمحرم يعني المحرم لو هو لو هو لابس الاحرام وهو في الحج مسلا ويتعرض للشمس وبعدين تعب شوية من الايه؟ من الحر ومن التراب ومن - [00:22:20](#)

اقول له عرق ومش عارف هو ده ايه؟ يثاب على ده فدل على انه ليس كل ما كان قربة في موطن يكون قربة في كل المواطن واضح - [00:22:37](#)

وانما يتبع في ذلك وانما يتبع في ذلك ما وردت به الشريعة في موضعه وكذلك من تقرب ب العبادة نهي عنها بخصوصها كمن صام يوم العيد النبي عليه الصلاة والسلام نهى ان الانسان يصوم في يوم العيد - [00:22:53](#)

واحد قال لك طب يعني ليه يعني؟ طب ما ده انا ايه؟ ده صيام يعني وانا بعمل حاجة غلط ده انا بصوم فالنبي عليه الصلاة والسلام نهى عن ده ونهى ان الانسان يصلى في وقت النهي - [00:23:12](#)

قال واما من عمل عملا اصله مشروع وقربي ثم ادخل فيه ما ليس بمشروع او اخل فيه بمشروع فهذا ايضا مخالف للشريعة بقدر اخلاقه. بما اخل به او ادخال ما ادخل فيه. يعني واحد مثلا السنة ان هو يتوضأ ثلاث مرات - [00:23:26](#)

فهو قال لك يا عم زيادة الخير خيرين اتواضا مسلا خمس مرات ست مرات اصل العمل ايه اللي هو الوضوء والتثليث في الوضوء ان هو يعمل ايه؟ يتوضى ثلاث ايه - [00:23:43](#)

اه تلات مرات ده اصله ايه؟ سنة طب الزيادة عليه بقى؟ ان هو يزود. هو بقى زود زيادة كده اخترع. قال لك طب ما نزود اربعة خمسة ستة ما فيش مشكلة - [00:24:00](#)

ماشي؟ فده الايه هو ده المعنى اللي ايه؟ ابن رجب بيتكلم عنه هنا. بيقول اما من عمل عملا اصله مشروع وقربي زي الوضوء كده ايه؟ ثلاثا ثم ادخل فيه ما ليس بمشروع زود عليه - [00:24:12](#)

او اخل فيه مشروع فهذا ايضا مخالف للشريعة بقدر اخلاقه بما اخل به او ادخال ما ادخل فيه. هو احنا هنقف عند كده في الاختصار ده لأن ابن رجب فصل تفصيل في الكتاب الاصلي وذكر امثلة كتير جدا اللي عايز يرجع - [00:24:25](#)

لكن ايه زي ما قلنا ده مش مستوانا دلوقتي فخلينا ايه؟ نقف عند الحد ده على قدر المختصر يعني وزي ما قلت اللي حابب ان هو يستزيد اللي حابب ان هو يستزيد - [00:24:41](#)

ان هو ايه يرجع يقرأ او يسمع السلسلة آآ ضوابط في دروس الدرس عن ضوابط البدعة للشيخ المنجد يعني بتقول اه ما لناش دعوة بالباب ده يعني لو شفنا حد بيعمل بدعة ما نقولش. اانا اانا امش بتتكلم كده - [00:24:59](#)

كلامي مش على ده مش ان احنا اه ان الانسان لا يأمر بالمعروف ولا ينكر المنكر لكن انا بقول منين يعني الاخت اللي بتسأل هل حضرتك عندك العلم الكافي ان انت تحكمي على الامر ده ان هو بدعة؟ ولا غير بدعة - [00:25:16](#)

لو عندك الملوكات وعنديك العلم الكافي آآ يبقى خلاص هتقولي والله الفعل ده بدعة لكن انا ما عنديش طب هعمل ايه؟ هسأل

اهل العلم هسأل اهل العلم فاهمل العلم قالوا والله اسأل انسان العالم اللي انا اثق في علمه وفي دينه وفي امانته وفي ورعي -

00:25:36

فقالوا والله الفعل ده بدع مخالف لهدي النبي عليه الصلاة والسلام فخلاص انا هقول والله لما اجي انصح اقول يا جماعة والله انا سمعت الشيخ فلان بيقول ان الامر ده بدعة - 00:26:00

ومن الامر ده لا يجوز مخالف لهدي النبي عليه الصلاة والسلام طيب الحكم على الانسان ده ان هو مبتدع دي قصة تانية خالص ماشي ممكن انسان جاهم ممكن انسان يحتاج ان هو يتعلم هو بيعمل ده مسلا قلد حد - 00:26:11

وهو مش واحد بالله ماشي؟ واضح كده فمش الغرض ان الانسان اه ان الانسان يعني اه ما ينكرش المنكر لكن ل肯 هنا الباب فيه خطير ان الانسان يتجرأ ويقول فلان ده ضال ومبتدع وفلان ده كذا وفلان هيبيقى ده ايه؟ باب شر. طيب خلينا بس عشان عشان ما - 00:26:29

مش عشان الناس اللي بتسأل الفعل طب دي بدعوة طب دي مش عارف ايه؟ اولا انا اه انا مش مؤهل ان انت تسألني سؤال اقول لك والله لا دي بدعوة ولا دي مش بدعوة - 00:26:50

يعني ده اصلا ايه؟ ده اللي انا بحاول ان انا انقله في الدرس ان احنا دي مش بتاعتنا ماشي؟ اللي عايزة يستزيد من الموضوع ويعرف ضوابط البدعة يقرأ في شرح الحديث في - 00:27:00

في اكثر من كتاب ويرجع لشرح الشيخ المنجد هو الشيخ المنجد له شرح في الحديث وليه درس اه وسلسلة عن ضوابط ايه؟ ضوابط البدعة ممكن يرجع ايه؟ يرجع للسلسلة ويسمع يستزيد - 00:27:12

تمام اه الحاجة الثانية الغرض من من شرح الحديث ده ايه؟ اللي هو معنا في الأربعين الغرض منه ايه؟ الغرض منه ان انا هطلع من الحديث انا عايزة اركز في اتباع النبي عليه الصلاة والسلام - 00:27:26

يعني انا ما اعملش حاجة غير لو دي سنة للنبي عليه الصلاة والسلام. ده اللي انا ده اللي انا عايزة ان احنا نتربي عليه مش غرضي دلوقتي ان انا والله هقدر احكم على الحاجات اللي حواليها دي بدعوة ولا مش بدعوة؟ طب انشغل بتطبيق السنة - 00:27:41
انشغل بتطبيق السنة وما تخترعش حاجة في الدين. طيب جزاكم الله خيرا. هذا وصلى الله على نبينا محمد وعلى الله وصحابه والحمد لله رب العالمين - 00:27:56